



Kaofis blong Vanuatu




Ol Kaofis oli save gru kasem 3 mita mo kilo blo hem i save kasem 500.

Ol mama kaofis gat first bon bebi taem oli gat 4 kasem 17 yia. Bambae mama kaofis gat wan bebi evri 3 kasem 5 yia. Wan mama kaofis i gat bel long wan longfala taem, klosap fotin manis. Bebi hemi drig melek long titi blong mama blong hem. Bebi hemi stap wetem mama blo hem kasem 18 manis.




Tede igat denja se mbae ol kaofis oli save lus from:

- Oli stap fas lo net we oli stap huk long solwota
- Ol sip oli stap sperem ol kaofis
- Ol man oli stap sperem ol kaofis
- Supos ol gras blong solwata i go finis bambae ol kaofis oli nomo gat kakae.




Kaofis oli bigfela animal we oil stap long solwota. Oli stap klosap long so mo stap we gras blong solwota i gro. Yu save faenem olgeta lo fulap kantri raon lo wol. Be oli no stap long eni kontri we i mo is long Vanuatu. Vanuatu i las wan.



Ol kaofis oli save kasem seventi yia.

Gras blo solwota hemi kakae blo kaofis mo oli kakae plante, klosap 40 kilo evridei.



Yumi save helpem ol kaofis:

- Lukoat gud taem yu draev ol sip mo putum angka
- Taem yu putum net long hukem fis yu stap witem net
- Suppose wan kaofis i stap fas long net yu save lego long hem kwiktaem
- Lukaotem gud ol gras blo solwota

